



COMUNU DE QUARTU S. ALENI

Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018.

## **QUARTU CENTRU DE SA DIBATA APITZUS DE IS MINORIAS LINGUÌSTICAS, SÀBUDU 22 DÒPIU ATÒBIU**

Sàbudu Quartu pigat parti a sa Giorronada Europea de is Lìnguas cun is minorias de sa Repùblica, ocasioni po aparai su patrimòniu culturali e linguìsticu nostru, ma fintzas po incorai is personis de dònna edadi a imparai is lùnguas, aintru de unu continenti chi tenit unu scioberu mannu de lùnguas chistionadas, giai 200.

Su seminàriu “Su sardu e is àteras minorias linguìsticas: bias o mortas?”, cuncordau da su comunu cun s’agiudu de s’Assòtziu Culturali “Sa Bèrtula Antiga”, cun is augùrius de su Consillu d’Europa, at a portai in sa de tres citadi de sa Sardìnnia spertus de trumas minoritàrias e linguìsticas italianas e at a essi unu momentu de analisi e resùmini de sa situatzioni de is idiomas minoritàrius, e pruschetotu de sa lùnga sarda, a s’inghitzu de sa legislatura noa de su Guvernu.

Previdia po su 26 de cabudanni, sa giorronada est stètia trantzia de unu mesi po mori de is eletzionis anticipadas. Sàbudu 22 de ladàmini incarrerant is traballus a oras de is 09.00, anca est Sa Dom’e Farra, cun is saludus de is autoridadis presentis. At a sighiri sa dibata cun tìtulu “Le minoranze linguistiche italiane, l’Europa, il Mondo”, cun Ines Cavalcanti in rapresentàntzia de s’Ocitano, Teresa Geninatti, de su Franco-Provenzale, Rosalba Perini, in rapresentàntzia de sa minoria friulana, Milly Crepaz, ladinu de Fodom, Carlo Sechi, catalanu de Alighera, e Nicolò Migheli po sa minoria sarda.

S’atòbiu e is relatas ant a essi ghiadas da Giuseppe Corongiu. In prus a merì, a incarrerai da is oras de is 16.00, in sa Sala de sa Natzioni Sarda de s’Ex Cunventu de bia Brigata Sassari, est in programa s’atòbiu da su tìtulu “Lingua, lingue e movimento linguistico. La situazione in Sardegna”. Introdusi e ghiat sa giorronalista Maria Antonietta Piga. Ant a chistionai: Giuseppe Corronca, maistru e autori televisivu, Enrica Fois, ativista e cunsillera municipali de Pirri, Giovanni Runchina, giorronalista, Paola Pilia, giorronalista, Enrico Putzolu, operatori linguìsticu e autori televisivu, Alessandro Biolla, operatori linguìsticu, Irene Coghene, ativista Alighera, Giusy Fanti, maistra, Nicola Merche, ativista, Daniela Masia de s’Istitutu Bellieni. Serrat s’eventu Salvatore Sarigu, presidenti de s’Assòtziu Culturali Sa Bèrtula Antiga.

Su cumbènniu est ocasioni po mirai is strobis de sa lei 482/99 e is disafius de is minorias a inghitzai da sa legislatura noa, prusaprestu marcada da su Guvernu. Intre is emergènzias, sa primu est s'aprovazioni de sa Carta Europea de is Linguas de su 1992, ca s'Itàlia non at ratificau ancora, e fraigai un'arretza stàbili de agiudu intre is minorias linguìsticas.